



MINORITY SHAREHOLDER WATCHDOG GROUP

Badan Pengawas Pemegang Saham Minoriti Berhad

Incorporated in Malaysia * Company No. 524898-M

The Observer

21 November 2014

MESEJ KETUA PEGAWAI EKSEKUTIF



Dua pemegang saham aktivis dana tertutup iCapital.biz Bhd iaitu City of London dan Laxey Partners Ltd nampaknya membuat percubaan kali kedua untuk memperolehi kerusi lembaga pengarah dalam syarikat tersebut memandangkan bahawa mereka telah melakukan percubaan yang sama pada tahun 2012 tetapi gagal.

Behubungan perkara ini, untuk makluman terdapat diskaun harga saham kepada nilai aset bersih sebanyak kira-kira 20% hingga 29% sejak beberapa tahun kebelakangan ini dan ada kemungkinannya tindakan seumpama di atas adalah untuk menangani isu tersebut.

Mesyuarat Agung Tahunan syarikat iCapital.biz juga telah ditunda apabila dua pemegang saham aktivis tersebut telah memberikan proksi kepada Pengurus syarikat untuk menentang pelantikan semula pengarah bebas yang melebihi umur 70 tahun. Ia berikutan permohonan daripada pengurus dananya yang juga merupakan pemegang saham syarikat tersebut selepas mendapat kelulusan daripada pemegang saham syarikat yang hadir dan mengundi. Amalan terbaik tadbir urus korporat menggalakkan pemegang saham, terutamanya pemegang saham institusi untuk menyatakan sebab-sebab mengapa mereka menentang pelantikan semula para pengarah, lebih-lebih lagi bagi pengarah bebas.

Menyentuh perkembangan terkini Malaysian Airline System, sebuah firma, Jentayu Danaraksa telah menggariskan pelan alternatif untuk menyelamatkan syarikat penerbangan nasional tersebut. Usul ini nampak menarik mengambilkira telah banyak percubaan untuk menyelamatkan MAS pada masa lalu namun masih gagal.

Bagaimanapun, Jentayu perlu lebih berusaha untuk menanamkan keyakinan pasaran mengenai kebolehannya melaksanakan pelan tersebut. Ia perlu memberikan butiran yang lebih terperinci mengenai pelan pembiayaan MAS dan kumpulan pengurusannya. Tanpa maklumat-maklumat penting seperti ini, agak sukar bagi pasaran untuk memberikan kepercayaan terhadap kredibiliti Jentayu.

Cadangan ini sepatutnya telah diberikan lebih awal supaya semua pemegang saham termasuk Khazanah dan pemegang saham minoriti boleh membuat penilaian sewajarnya sebelum mesyuarat agung luarbiasa untuk menswastakan syarikat untuk mencapai keputusan yang lebih terbaik.

Harga saham bagi TH Heavy Engineering dan Muhibbah Engineering jatuh lebih 20% dalam masa singkat baru-baru ini, Pihak pengurusan tidak membuat sebarang kenyataan atau siaran akhbar untuk menghilangkan kebimbangan atau menepis sebarang khabar angin. Kekurangan maklumat mungkin akan

memberikan impak terhadap nilai pemegang saham dan boleh merosakkan reputasi syarikat secara amnya.

Walaupun situasi ini terjadi berlatarbelakangkan senario harga pasaran minyak global yang lemah, pihak pengurusan perlu lebih berusaha untuk berkomunikasi dengan pemegang saham.

Rita

PANDANGAN RINGKAS MSWG MENGENAI TRANSAKSI KORPORAT SEMASA

KIAN JOO CAN FACTORY BERHAD (“KJCFB”) / CAN-ONE BERHAD (“COB”) / BOX-PAK (MALAYSIA) BHD (“BPMB”)

Menurut keputusan Mahkamah Tinggi Kuala Lumpur, permohonan untuk membatalkan tuntutan Dato’ See Teow Guan untuk mengisyiharkan bahawa pengambilalihan keseluruhan perniagaan termasuk kesemua aset dan liabiliti Kian Joo dianggap sebagai transaksi pihak berkaitan telah diberikan kepada KJCFB dengan kos sebanyak RM30,000 pada 14 November 2014.

KOMEN MSWG:

Pemegang saham KJCFB dan BPMB kini boleh memberikan fokus terhadap merit penggabungan tersebut berdasarkan harga tawaran. Bagi pemberi tawaran, Aspire Insight Sdn. Bhd., cadangan tersebut memerlukan kelulusan daripada 75% pemegang saham tidak berkepentingan dalam Mesyuarat Agung Luar Biasa (EGM) yang akan diadakan. Kami juga ingin menekankan sekali lagi keimbangan yang disuarakan sebelum ini, mengenai sama ada COB memerlukan mandat daripada pemegang sahamnya terlebih dahulu mengenai pengundian di dalam EGM KJCFB dan BPMB berkaitan pelupusan aset dan liabiliti di dalam KJCFB dan BPMB.

Penganalisa MSWG

Lya Rahman, Pengurus Besar, Khidmat Korporat, lyarahman@mswg.org.my

Chong Chee Fern, Pengurus Besar, Pemantauan Korporat chongcf@mswg.org.my

Rebecca Yap, Ketua, Pemantauan Korporat rebecca.yap@mswg.org.my

Quah Ban Aik, Ketua, Pemantauan Korporat banaik.quah@mswg.org.my

Norhisam Sidek, Pengurus, Pemantauan Korporat norhisam@mswg.org.my

Shahnul Niza Bin Dato’ Dr. Mohd Yusof, Pengurus, Pemantauan Korporat shahnul.niza@mswg.org.my

Lee Chee Meng, Pengurus, Pemantauan Korporat cheemeng@mswg.org.my

Wong Kin Wing, Pengurus, Pemantauan Korporat, kinwing@mswg.org.my

Nor Khalidah Khalil, Penganalisa, Pemantauan Korporat khalidah@mswg.org.my

Vinodth Ramasamy, Penganalisa, Pemantauan Korporat vinodth.ram@mswg.org.my

PENZAHIRAN KEPENTINGAN

- *Sehubungan dengan syarikat-syarikat yang dinyatakan, MSWG memegang jumlah saham yang minima di dalam syarikat-syarikat yang dinyatakan di dalam surat berita ini kecuali bagi iCapital.biz Berhad.*
 - *Ketua Pegawai Eksekutif MSWG mempunyai pegangan saham yang minima di dalam Malaysian Airline System Berhad.*
-

Maklumbalas

Kami mengalu-alukan maklumbalas anda mengenai surat berita dan khidmat kami. Sila e-mel komen dan cadangan anda ke mswg.ceo@mswg.org.my

PENOLAKAN TUNTUTAN

Surat berita ini dan isi kandungannya berserta semua hak-hak berkaitan dengannya termasuk hak cipta dimiliki oleh Badan Pengawas Pemegang Saham Minoriti Berhad, juga dikenali sebagai Minority Shareholder Watchdog Group (MSWG).

Isi kandungan dan pendapat yang dinyatakan di dalam surat berita ini adalah berdasarkan maklumat yang diperoleh daripada domain awam dan bertujuan untuk memberikan maklumat umum kepada pengguna dan adalah untuk rujukan sahaja. Usaha terbaik telah dilakukan untuk memastikan maklumat yang terkandung di dalam surat berita ini adalah tepat dan terkini pada tarikh penerbitan. Walaubagaimanapun, MSWG tidak membuat sebarang waranti nyata atau tersirat atas ketepatan atau kelengkapan maklumat dan pendapat yang terkandung di dalam surat berita ini. Tiada maklumat di dalam surat berita ini yang bertujuan atau patut dianggap sebagai syor untuk membeli atau menjual atau jemputan untuk melanggar sekuriti tertentu, pelaburan yang berkaitan atau mana-mana instrumen kewangan.

MSWG perlu diberikan perakuan bagi mana-mana bahagian surat berita ini yang diterbitkan semula.

MSWG tidak akan bertanggungjawab atau menanggung sebarang liabiliti atas kebergantungan kepada sebarang maklumat atau komen yang terkandung di dalam surat berita ini atau jika ianya diterbitkan semula oleh pihak ketiga. Semua pembaca atau pelabur dinasihatkan supaya mendapatkan nasihat perundangan atau nasihat profesional yang lain sebelum mengambil sebarang tindakan berdasarkan surat berita ini.